



TUSAGASSIORTUNUT NAJOQQUTASSIAQ INERSUARMİ ASSILIİNERİT FILMİLİORNERİLLU

Ataatsimiinnerit nalaanni avataannilu

Attaveqarfissaq

Inatsisartut sulinerat pillugu paasissutissanik assigisaannilluunniit tusagassiortut siammarterinerannut iluaqutaasinnaasunik pissarsiniartoqartillugu tusagassiorfiit sukkulluunniit saaffiginnittarsinnaanissaat Allattoqarfimmiit kissaatigineqarpoq.

Saaffiginninnginnermili Inatsisartut nittartagaata ina.gl-ip alakkarneqartarnissaa siunnersuutigineqarpoq, tassanimi paasissutissat atortussallu attuumassutillit tamarmik tamanit takuneqarsinnaasumik saqqummiunneqartarmata.

Inersuarmi assiliinerit filmiliornerillu

Inersuaq tusagassiortut kisimik sulliviginngilaat, inatsisiliortulli aamma sullivigaat. Taamaammallu Inatsisartut eqqissillutik tusagassiorfinnilu sulisunit najuuttunit akornusersorneqaratik sulisinnaanissaat pingaaruteqarpoq.

Isumaqatigiinniarnert ingerlanneqarnerisa nalaanni assiliinissaq videonillu immiussinissaq kissaatigigaanni Inatsisartut Allattoqarfiat kingusinnerpaamik akunnerit 48-t sioqqullugit saaffigineqassaaq, taassumalu tamanna pillugu kissaatit Siulittaasoqarfimmut saqqummiutissavai. Akuerineqareersimagaanni isumaqatigiinniarnert ingerlanneqarneranni taamaallaat sumiiffinnit inersuarmi tusarnaartut inaannut atasut eqqaanniit assiliisoqarsinnaallunilu filmiliortoqarsinnaavoq.

Ataatsimiinnerup ammarneqarneranit, tamatumalu kingorna minutsit siullerni tallimani immiusserusukkaanni assiliisartut filmiliortullu Inatsisartut Allattoqarfiannut kingusinnerpaamik akunnerit 48-t sioqqullugit saaffiginnissapput. Akuerineqareersimagaanni inersuarmi piffinni allani immiussisoqassaaq, tamanna inatsisartut sulinerannut akornusersuutaanngitsumik pisinnaappat.





Inatsisartut ataatsimiittarfianni
tattoqisaattoqartillugu assiliivinnik
pingasunik niululinnik inersuarmut
eqqussisoqassanngilaq; taamaattoqarnerani
taamaallaat tigummiartakkanik atortoqarluni
immiussisoqarsinnaavoq.

Sukkulluunniit oqaluttarfik ilaasortallu issiavii
tunorliit pallineqassanngillat.

Tusagassiortut inersuarmi pissusilersornerat
akornusersuutaasutut ataatsimiinnermik
aqutsisup nalileruniuk sukkulluunniit
uparuarsinnaavaa. Taamaattoqartillugu
peqqussutigineqartoq tusagassiortut
piaartumik malissavaat.

Tusagassiortut tamatuma saniatigut
paarsisut (betjentit) innersuussutaannik
malinnittassapput.

Immiussinissamik immikkut
pisariaqartitsisoqartillugu piffissaalluartillugu

kingusinnerpaamillu nalunaaquttap akunnerinik
48-nik sioqqutsilluni Allattoqarfimmut
saaffiginnittoqarsinnaavoq, kissaatigineqartorlu
Siulittaasoqarfimmut saqqummiunneqassaaq.

Siuliani allassimasunit allaanerusunik
Allattoqarfiup sulisui immikkut
atugassaqaqtitaapput.

Ini paasissutissiisarfiullunilu tusagassiortunut sulliviusoq

Inimik paasissutissiisarfiullunilu
tusagassiortunut sulliviusumik, tusagassiorfiit
aallartitaannit soqutiginnittunilluunniit
allanit atorineqarsinnaasumik Allattoqarfik
atugassaateqarpoq.

Ini tusagassiortunit allannissaminnut suliffittut
atuutiinnarani aammali radioqarfiit TV-qarfiillu
apersuiviattut atuutissaaq.

Apersuinerit torsuusani allaniluunniit
Inatsisartunit kiisalu Allattoqarfiup partiillu





sulisuinit suliaqarfiusuni sapinngisaq
naapertorlugu pisassanngillat.

Atortulersuutit inimi inissinneqarsimasut
qajassuunnissaannik inussiarnersumik
qinnuigineqarpusi.

**Ataatsimiinnerup avataatigut
Inersuarminngaanniit TV-mut immiussinerit
aallakaatitsinerillu**

Inersuarmini isumaqatigiinniartoqartinnagu
TV-mut immiussinissamik
aallakaatitsinissamilluunniit
kissaateqartoqarpat, tamanna pillugu
Allattoqarfimmut isumaqatigiissuteqartoqar-
sinnaavoq.

Immiussinissaq sioqqullugu piffissaalluartillugu
Allattoqarfimmut saaffiginnissimanissaq
taamatut isumaqatigiissuteqarnissamut
piumasaqaataavoq.

Issiaviit immikkut inniminnikkat

Inersuarmini issiaviit arlaqanngitsut tusagassior-
fiit aallartitaannut inniminnigaapput.
Tusagassiorfikkaarlugit ataatsimik
inissaqartitsisoqarpoq. Tusagassioqartut
Inatsisartut nittartagaanni ina.gl-imi inissanik
qarasaasiakkut inniminniisinnaapput.

Inatsisartut paasissutissiisarnerat

Inatsisartut suliaat pillugit ukiumoortumik
nalunaarusiamik Inatsisartut ukiut tamaasa
saqqummersitsisarput. Taamatuttaaq
Siulittaasumit, Siulittaasoqarfimmit
ataatsimiititalianillu tusagassiorfinnut
nalunaarutini ukioq kaajallallugu
nassiussisoqartarluni, ina.gl-imilu
takuneqarsinnaallutik.
Inatsisartut ataatsimiinnerisa nalaani
oqallinnerit internetikkut kiisalu KNR-
ip nuna tamakkerlugu TV-kanaliatigut
malinnaaffigineqarsinnaapput.

Uunga e-mailimut saaffiginnittoqarsinnaavoq:

arnja@ina.alla.gl

uunga assilinera ilanngullugu:

inatsisartut@inatsisartut.gl

